

赤水玄珠

卷十一

赤水玄珠第十六卷目錄

霍亂門 轉筋 中惡客忤

欬逆 噫氣 下氣 漏氣

嘈雜門

眩暈門

瘡門

疽證門

厥門

吐門

卷之二

赤水玄珠第十六卷

新安生生子孫一奎箸輯

霍亂門

霍亂者揮霍撩亂其勢急暴有似鬼祟實非邪也乃內有所傷外有所感陰陽乖隔而成此前人格論

內經曰歲土不及風乃大行民病飧泄霍亂體重腹痛筋骨搖併益言木乘土而爲病也夫霍亂者揮霍撩亂也其症心腹卒痛嘔吐下痢發熱增寒頭痛眩暈或吐而不瀉或瀉而不吐或吐瀉並作夫邪在上焦則先心痛而吐邪在中焦則先腹痛而瀉邪客上中二焦則吐瀉俱作甚則轉筋入腹則斃益陰陽反戾清濁相干陽氣

暴升陰氣頓墜陰陽痞隔上下奔逆治之惟宜溫煖更
詳別三因以調之外因諸風則惡風有汗傷寒則惡寒
無汗冒濕則重著傷暑則煩熱又有內因九氣所致鬱
聚痰飲痞隔不通遂致滿悶隨其勝復必作吐利或諸
飽食膾炙恣飡乳酪寒漿旨酒脾胃受傷遂成吐利又
有轉筋者蓋陽明胃主養宗筋今暴吐下津液頓忘宗
筋失養以致攣轉甚則邪縮舌捲爲不治之症又有乾
霍亂者上不得吐下不得利壅閉正氣閉格陰陽躁擾
喘脹命在須臾若濕霍亂則所傷之物因吐瀉而出吐
瀉盡則止故猶可治大抵熱勝痰鬱則悶亂濕勝飲鬱
則利下其治濕霍亂宜藿香正氣散加生姜不惟可以

濕散風濕抑亦可以調理吐瀉其若傷暑所致者亦不可遽用香薷沉冷之劑合先用橘皮半夏生姜之類開散結滯次則以香薷五苓溫服散暑解煩或挾寒而手足厥逆腹中絞痛宜以四逆理中之類溫之亦不可遽用峻補兜澁之劑則邪愈滋而變症百出治乾霍亂急以鹽湯灌之令其大吐庶有可生切不可與穀食恐胃中邪物吐瀉不盡新穀一入脾不能化轉增危殆慎之慎之大概其脉浮洪者易治若脉微遲加以氣少昏沉不語者皆難治也

丹溪曰內有所積外有所感致成吐瀉仍用二陳湯加減作吐以提其氣切莫與穀食雖米飲一呷入口卽死必

待吐瀉盡過二三時直至飢甚方可與稀粥其脉多伏欲絕 又曰雖已吐瀉不徹還用吐提其氣或用樟木煎湯吐之 大法生姜理中湯最好不渴者可用如

渴者用五苓散亦可下者 乾霍亂最難治死在須臾升降不通邪無從出當吐提其氣極是良法世多用鹽湯爲內有食傷外有邪遏故吐之吐中就有發散之義轉筋不住男子以手挽其陰女子以手牽其乳近兩邊此千金妙法也 轉筋入腹者死

脉訣舉要曰滑數爲嘔代者霍亂微滑者生濇數凶斷又曰滑而不勻必是吐瀉霍亂之候脉代勿訝

內經曰脉伏者霍亂脉微而濇 或代而散 或隱而伏

或大而虛 脉右關滑爲霍亂吐瀉脉結促代皆不

可斷以死 脉大者生 脉洪者爲熱 絃者爲飲

氣口脉絃滑膈間有宿食留飲

縮脾飲 解伏熱除煩渴消暑毒止吐瀉宜沉冷頻服

草果仁四兩 烏梅肉三兩 甘草炙二兩半

每服五錢姜十片水煎服

藿香正氣散 中濕霍亂吐瀉

蒼朮 陳皮 半夏 藿香各二錢 甘草炙一錢

姜五片棗二枚水煎服

桂苓甘露飲 中暑霍亂吐瀉發渴引飲方見中暑

不換金正氣散 霍亂轉筋嘔吐泄瀉頭疼方見疫門

五苓散 方見暑門

藿苓湯 外感風寒內傷飲食霍亂轉筋吐瀉

藿香

厚朴

白朮

茯苓

各一錢二分

甘草

炙五分

大腹皮

紫蘇

白芷

桔梗

半夏

陳皮

各一錢

肉桂

六分

猪苓

澤瀉

各一錢半

姜五片水煎服

訶子散

霍亂吐利如神又治心脾冷痛

訶子

甘草

厚朴

乾姜

草果仁

陳皮

良姜

茯苓

神曲

麥芽

等分

水煎入鹽服

二香散

暑濕相搏霍亂轉筋煩渴悶亂

藿香

白朮

厚朴

陳皮

茯苓

半夏

白扁豆

紫蘇

桔梗

白芷

香薷

黃連

各一錢

大腹皮

甘草炙五分 姜片五 葱白根三 水煎服

加味四君子湯

霍亂轉筋吐瀉腹中痛體重脈沉而細

人參 白朮

茯苓各二錢

甘草炙 芍藥

良姜各一錢

姜三片 棗二枚 水煎服

通脈四逆湯

霍亂多寒內冷脈絕

吳茱萸

炒二兩

附子

炮一兩

桂心

木通

白芍藥

細辛

甘草

炙各五錢

當歸

三錢

每服七錢水一鍾酒半鍾姜七

片棗一枚煎七分溫服

七氣湯

七氣鬱五臟之間互相刑克陰陽不和揮霍變

亂吐利交作

半夏

五兩

厚朴

桂心

各三兩

白芍藥

茯苓

各四兩

紫蘇葉

橘皮各二兩

人參一兩

每七錢水一盞半酒半

薑姜七片一枚煎溫服

木瓜湯

霍亂吐瀉轉筋擾悶

酸木瓜二兩

茴香微炒二錢半

甘草炙二錢

吳茱萸

炒二兩

每服五六錢姜七片紫蘇十葉水煎服

一方無茴香

姜附湯

霍亂轉筋手足厥冷多汗嘔逆

方見寒門

加味香薷飲

伏暑吐利不止煩悶多渴

本方加檳榔黃連

每五錢水酒各半煎服

冷香湯

夏秋伏暑引飲過食生冷遂成霍亂

良姜

附子

甘草

檀香各一錢

乾姜

炒一錢

草菓

一錢半

丁香三分

分二服水煎連瓶沉井內待

服冷

人參散

霍亂體痛四肢逆冷服理中四順不効者

人參

白芍

川歸

炒

良姜

各一兩

附子

陳皮

桂心

白朮

各三錢

每五錢加紅棗三枚水煎服

活命散

霍亂吐瀉不止面色青黑垂死者

防風

姜活

獨活

乾姜

細辛

各一分

草豆蔻

肉

豆蔻

川芎

各五錢

官桂

半兩

吳茱萸

木灰

各一兩

每三錢濃煎木灰湯調服

回生散

霍亂不已吐利不止但有一點胃氣存無不効

者

陳皮

藿香葉

各五錢

水煎或爲末熱酒調服

秘方

霍亂吐利轉筋神効

白扁豆葉

根一

研取汁一碗入米醋同服立瘥

加減理中湯 霍亂嘔吐

白朮 人參

乾姜

各三錢

甘草

炙一錢

水煎服

若爲寒氣濕氣所干者加附子一錢名附子理中湯

若霍亂吐瀉加陳皮青皮

各一錢

名治中湯

若乾

霍亂心腹作痛先以鹽湯少許頻服候吐出令透卽

進此藥

若嘔吐者加丁香半夏各一錢姜十片同

煎 泄瀉者加橘紅茯苓各一錢名補中湯 泄瀉

不已於補中湯內加附子二錢不喜飲食及米穀不

化再加砂仁一錢 霍亂吐下心腹作痛手足逆冷

于本方內去白朮加熟附子名爲四順湯 傷寒結

胃先以桔梗枳殼等分煎服不效者及諸吐利後胃

痞欲絕心膈高起脹痛手不可近者加枳實茯苓各
一錢名枳實理中湯 若渴者再于枳實理中湯內
加瓜蒌根一錢 霍亂轉筋者理中湯內加火煨石
膏一錢 若臍上築者乃腎間動氣也去朮以加官
桂一錢半腎惡燥去朮恐作奔豚也故加桂取辛以
潤之 若悸者加茯苓一錢渴欲飲水者加白朮五分
腹滿者去白朮加附子一錢 若寒者再加乾姜
一錢 飲酒過多及啖炮炙熱物發爲鼻衄者加川
芎一錢 傷胃吐血以此藥能理中脘分利陰陽安
定血脈只用本方

三因白朮散 中暑嘔吐眩暈及大病後調理失宜勞復

及脾胃虛損面色青黃飲食不思口吐酸水滑泄腹鳴
飲食所傷霍亂吐瀉並宜服之

白芷 甘草炙 青皮 白茯苓 桔梗 香附子

山藥各三兩 乾姜五錢 白朮 陳皮各一兩

每一兩姜三片枣一枚木灰一片紫蘇三葉水煎服

若吐瀉加白梅煎 喘加桑白皮杏仁 傷寒勞

復加薄荷 膈氣加木通入射香少許 中暑嘔逆

加香薷 霍亂加藿香 產後泄瀉加荆芥 氣厥

加鹽煎服

調中白朮散 大病後吐瀉煩渴霍亂虛損氣弱及酒毒

嘔噦 白朮 茯苓 人參各五錢 藿香五錢 甘草炙一兩五錢

木香錢 葛根 爲末白湯調服二錢

煩渴加滑石二兩甚者加姜汁

經驗方人參散 止吐逆及瀉後煩渴常服調中和氣

人參 茯苓各五錢 葛根一兩 藿香 木香 甘草各一錢半

分三帖水煎服 瀉後渴甚者 加滑石一錢

止渴湯 霍亂煩渴

甘草炙 人參 麥冬 茯苓 桔梗 瓜蒌根 澤瀉

葛根各五錢 右末蜜湯調下二錢

姜鹽飲 霍亂欲吐不吐欲瀉不瀉

鹽一兩 生姜五錢搗碎 同炒令色變以水一碗煎熱溫服

甚者加童便一盞

麥湯 霍亂轉筋不止

麥一大握水煎湯薰洗或以帛蘸湯慰患處

一方每遇轉筋時卽以鹽揩擦痛處三五十匝卽雖皮破亦不妨可以斷根

灸法 霍亂已死腹中尙暖猶未絕氣者

用鹽納臍中令滿大艾炷灸三五七壯甦

麥冬湯 霍亂已愈煩熱多渴小水不利

麥門冬

茯苓

半夏

陳皮

白朮

各一錢半

人參

小麥

甘草

各一錢

生姜五片烏梅半箇煎服

青金丹

霍亂吐瀉不止及轉筋諸藥不効者

硫黃

一兩

水銀

八錢

右二味銚子內炒柳木篦子不住